

(1225) 1226, març, 3

Ramon Vidal de Franciac i la seva esposa Maria venen a Arnau de Besalú dos camps situats al terme de Riudellots de la Selva, que tenen per Sant Daniel, per 300 sous.

ASD núm. 91, perg. orig., 220 x 355 mm.

Sit notum cunctis quod ego Raimundus Uitalis de Franciliacho et uxor mea Maria per nos et per omnes nostros presentes atque futuros bono animo et spontanea uoluntate ac nemine cogente uendimus et cum hac presenti publica carta omni tempore ualitura liberando tradimus tibi Arnallo de Bisulluno et tuis et cui dare uel dimittere, uendere, stabilire seu quolibet alio modo alienare uolueris in perpetuum duos campos nostros quos tenemus per Sanctum Danielem in parrochia Sancti Stephani de Riuolutorum, quorum unus est infra honorem quem tibi uendidimus in dominio Guilielmi de Sancta Columba et Raimundi de Mediniano, alias quidem affrontat ab oriente et circio in honore Alamande Aguione, a meridie in honore Bernardi de Campolongo, ab accidente in honore predicto quem tibi uendidimus in dominio Guilielmi de Sancta Columba et Raimundi de Mediniano. Hos inquam campos tibi et tuis in perpetuum uendimus cum exitibus et ingressibus et pertinenciis et tenedonibus et arboribus diuersorum generum et cum omnibus aliis in eis habentibus eisque qualicumque modo pertinentibus, sicut melius dici uel intelligi potest ad tuum tuorumque comodum pro trescentis solidis barchinonensibus, ualente marcha argenti .LXXXVIII. solidos, de quibus recognoscimus nos a te esse bene paccatos, renunciando excepcioni non numerate peccunie; et si predicti campi quos tibi uendimus plus ualent dicto precio uel ualebunt, totum gratis et ex certa scientia tibi et tuis in perpetuum donamus, renunciando expresse illius legis beneficio qua deceptis ultra dimidiā iusti predi succurritur. Et de nostra nostrorumque iure ac potestate in tuum tradimus dominium et potestatem ad omnem tuam tuorumque uoluntatem omni tempore ibi et inde faciendam, saluo iure Sancti Danielis cui dabis de campo illo qui est infra honorem Raimundi de Mediniano et Guilielmi de Sancta Columba tascham, et de alio campo tascham et braciaticum, et preterea dabis Sancto Danieli pro censu amborum camporum annuatim unam pernam de .X. denariis et unum par gallinarum in festa Natalis Domini sine aliquo retentu quem ibi uel inde non facimus, ómnibus nostris uocibus et rationibus et omnium nostrorum inde perpetuo extinctis et penes te remanentibus; et conuenimus tibi et tuis predictam uendicionem semper facere habere et tenere in pace et esse defensores et garentes contra cunctam uiuentem personam. Uerumtamen si aliquis ibi aliquid tibi tetigerit uel forisfecerit siue emparauerit aut contradixerit aut in aliquo contra te questionem mouerit, statim promittimus nos ante te ponere et te et tuos deffendere et indempnes seruare cum nostris propriis sumptibus et missionibus in placito et extra placitum, et in iudicio et extra iudicium, obligando tibi et tuis de euiccione et de omni interesse nos et heredes nostros et omnia nostra bona mobilia et inmobilia, habita et habenda tam in auere quam in honore ubique. Et ego Maria predicta iuro super sancta quatuor Dei Euangelia manu mea

propria tacta quod predictam uendicionem ratam habebo et firmam nec contraueniam nec uenire faciam iure sponsaliciai mei uel alio modo. Et si aliquo iure scripto uel non scripto, diuino uel humana, legali, canonico, ecclesiastico uel ciuili, generali uel speciali siue exceptione uel occasione aliqua in futurum huic contractui obuiam ire possemus, illi iuri nos ambo uenditores predicti penitus irreuocabiliter renunciamus.

Actum est hoc .III. nonas marcii anno Domini .MCCXX. quinto.

Sig+num Raimundi Uitalis, sig+num Marie eius uxoris, qui hoc firmamus firmarique rogamus. Sig+num Guilielmi Uitalis, fratri Raimundi Uitalis, qui supradicta laudo et concedo et diffinio ibi quicquid iuris habeo uel habere debeo aliquo iure uel ratione. Sig+num Guilielmi de Cantalupis. Sig+num Poncii Mercerii. Sig+hum Petri Iohannis de Deuesa. Sig+num Adalaidis de Aquauia qui supradicta concedo. +Agnes, Dei gratia abbatissa*.

Sig(s. *man.*)num Bernardi de Artes qui hoc scripsi mandato Bernardi Sancii, publici Gerunde notarii, die et anno prefixis. (*s. man.*) Bernardus Sancii publicus Gerunde notarius, subscribo.

Extret de: Marquès, Josep M., ed. Col·lecció diplomàtica de Sant Daniel de Girona (924-1300). Barcelona: Fundació Noguera, 1997. 208-210